

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

738

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-04949/19
Sarajevo, Mart 13. 2020. godine

Bosna i Hercegovina
Federacija Bosne i Hercegovine
KANTON SARAJEVO

PROJEKTOVANJE	18-03-2020	PROJEKTOVANJE	PROJEKTOVANJE
15	05	33063-215	109

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
(na pažnju, predsjedavajućeg, Mirze Čelika)

Predmet: *Odgovor na zastupničku inicijativu broj: 01-05-33063-52/19 od 27.09.2019. godine pokrenutu od strane zastupnika Zvonka Marića - dostavlja se;*

Kantonalna uprava za inspekcijske poslove Kantona Sarajevo, dana 27.09.2019. godine zaprimila je zastupničku inicijativu pokrenutu od strane zastupnika Zvonka Marića na 13. Radnoj sjednici Skupštine Kantona Sarajevo, održanoj dana 25.09.2019. godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovnikom Skupštine Kantona Sarajevo koja glasi

Poštovani,

Federalna uprava za inspekcijske poslove obavijestila me je aktom broj: 01-05-13-03330/2019 od 22.07.2019. godine da je za inspekcijski nadzor nad provedbom Naredbe o sigurnosti liftova (Sl.novine BiH"broj 99/12) nadležna Kantonalna uprava za inspekcijske poslove Sarajevo.

Stoga molim da poduzmete aktivnosti na daljem razjašnjavanju pitanja nadležnosti, jer je i Ministarstvo prostornog uređenja, građenja i zaštite okoliša KS upućivalo zahtjev za



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

inspekcijski nadzor zbog neizvršavanja redovnih godišnjih tehničkih pregleda liftova Federalnoj upravi za inspekcijske poslove. Molim KUIP da se izjasni o pomenutom aktu , te predlažem da se konsultujete sa Ministarstvom prostornog uređenja, građenja i zaštite okoliša kao i sa FUIP-om da me o poduzetim aktivnostima izvjestite u budućnosti."

ODGOVOR :

Kantonalna inspekcija u stambenoj oblasti koja djeluje unutar Inspektorata urbanističko-građevinske, ekološke, komunalne i stambene inspekcije, nadležna je za nadzor nad provođenjem Zakona o upravljanju zajedničkim dijelovima zgrade ("Službene novine Kantona Sarajevo br.19/17 i 17/18) odnosno za nadzor nad radom i postupanjem upravnika, predstavnika etažnih vlasnika i etažnih vlasnika.

Članom 66. Zakona je propisano da nadzor nad primjenom ovog zakona i drugih propisa iz oblasti upravljanja zajedničkim dijelovima zgrade, kao i zakonitog postupanja upravnika, prinudnog upravnika, predstavnika etažnih vlasnika, prinudnog predstavnika etažnih vlasnika i etažnih vlasnika vrši Ministarstvo i Kantonalna uprava za inspekcijske poslove.

Ovaj zakon se, kada je u pitanju održavanje liftova, samo u jednom dijelu vezuje za Naredbu o sigurnosti liftova i to u dijelu koji glasi:

Članom 29. stav 2. tačke k) i m) Zakona o upravljanju zajedničkim dijelovima zgrade ("Službene novine Kantona Sarajevo br. 19/17 i 17/18) propisani su redovni mjesečni servis lifta i godišnji tehnički pregled lifta sa izdavanjem upotrebne dozvole u skladu sa važećim propisima o liftovima.

Naredba o sigurnosti liftova ("Službeni glasnik BiH" br. 99/12) je propis Bosne i Hercegovine i u istom nije propisana nadležnost Kantonalne uprave za inspekcijske poslove da vrši inspekcijski nadzor nad primjenom iste. Ovom naredbom se, između ostalog, regulišu i druga pitanja koja se odnose na liftove, kao što je zabrana upotrebe lifta i nadzora nad imenovanim tijelima za tehnički pregled lifta, a koja nisu regulisana Zakonom o upravljanju zajedničkim dijelovima zgrade.

Članom 11. Naredbe o sigurnosti liftova je propisano da "ako nadležni inspekcijski organi Federacije Bosne i Hercegovine, Republike Srpske i Brčko Distrikta Bosne i Hercegovine (u daljem tekstu:nadležni inspekcijski organi) utvrde da postoji opasnost da lift ili sigurnosna komponenta, koji nose znak usklađenosti, a koji se koriste za predviđenu namjenu, ugrožavaju sigurnost lica i eventualno imovine, oni poduzimaju sve odgovarajuće mjere i radnje da taj lift ili sigurnosnu komponentu povuku s tržišta, da zabrane njihovo stavljanje na tržište ili upotrebu ili da ograniče slobodno kretanje."

Članom 18. Naredbe o sigurnosti liftova su propisani zahtjevi koje postojeći liftovi moraju ispunjavati.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Članom 21. Naredbe je propisano da nadzor nad provođenjem člana 18. i 19. Naredbe provode nadležni inspekcijski organi.

Shodno naprijed navedenom, a uvažavajući činjenicu da je Ministarstvo prostornog uređenja, građenja i zaštite okoliša Kantona Sarajevo upućivalo zahtjeve Federalnoj upravi za inspekcijske poslove za vršenje inspekcijskog nadzora koji su odbijali da vrše nadzor nad primjenom Naredbe o sigurnosti liftova, inspekcija u stambenoj oblasti je Ministarstvu prostornog uređenja, građenja i zaštite okoliša Kantona Sarajevo uputila akt br. UP-1-14-06/18-23.4-20038/19 od 29.10.2019. godine, kojim je zatraženo izjašnjenje Ministarstva vezano za nadležnosti inspekcijskog nadzora nad Naredbom o sigurnosti liftova, međutim do trenutka sačinjavanja ovog akta na isto nismo dobili zvaničan odgovor.

Pored toga, inspekcija u stambenoj oblasti je istovremeno zatražila i mišljenje od društva "Tehnoinspekt" d.o.o. kao imenovanog tijela za tehnički pregled liftova u skladu sa Naredbom o sigurnosti liftova

Tim povodom "Tehnoinspekt" d.o.o. je ovom organu dostavio mišljenje broj: 747/19 od 05.11.2019. godine u kome se navodi da se Naredba o sigurnosti liftova isključivo odnosi na "nove" liftove osim dijela Naredbe: " Dio četvrti (član 18. do zaključno sa članom 36.) koji se odnose na liftove u upotrebi u poslovnim i stambenim objektima.

U istom dijelu (dio četvrti) je definisana obaveza redovnog održavanja liftova i godišnjeg redovnog i vanrednog tehničkog pregleda liftova. "Tehnoinspekt" d.o.o. je iznio mišljenje iz prakse da su liftovi u stambenim objektima u Kantonu Sarajevo, ali i u čitavoj Federaciji Bosne i Hercegovine, u "sivoj" zoni sa stanovišta inspekcijskog nadzora u odnosu na Naredbu o sigurnosti liftova.


Shodno prednje navedenom, a posebno činjenici da nije decidno određeno koji su to federalni organi koji vrše nadzor nad primjenom Naredbe o sigurnosti liftova, smatramo da je potrebno da nadležni organi u cilju zaštite javnog interesa, te zaštite života i zdravlja ljudi i imovine hitno odluče o nadležnostima u oblasti inspekcijskog nadzora nad provođenjem Naredbe o sigurnosti liftova ("Službeni glasnik BiH" br. 99/12).

Smatramo da nadzor nad primjenom Naredbe o sigurnosti liftova sa aspekta struke treba da vrši posebna tehnička inspekcija

S poštovanjem,

Dostavlja se:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. a/a



FAHIR HALILOVIĆ

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb